

"REGIONALNA DEPONIJ A MOŠĆANICA" D.O.O. ZENICA

Na osnovu člana 35. Statuta privrednog društva "Regionalna deponija Moščanica" d.o.o. Zenica, direktor Društva donosi:

U P U T S T V O o postupku prijema i odlaganja inertiziranog medicinskog otpada na Regionalnoj deponiji "Moščanica"

I

Ovim Uputstvom reguliše se postupak prijema i odlaganja medicinskog otpada, koji potiče iz veterinarskih i zdravstvenih ustanova (bolnice, domovi zdravlja, poliklinike, ambulante, apoteke, stomatološke ordinacije i dr.).

II

Na Regionalnoj deponiji "Moščanica" dozvoljeno je dovoziti i odlagati samo onaj medicinski otpad koji je putem inertizacije (toplotne ili hemijske sterilizacije) u skladu sa članom 10. Pravilnika o upravljanju medicinskim otpadom ("Službene novine FBiH", broj: 77/08), pretvoren u bezopasan otpad.

III

Vozač koji je dovezao medicinski otpad je dužan na ulazu u Deponiju (kod operatera na kolskoj vagi) prijaviti vrstu i porijeklo medicinskog otpada, te priložiti odgovarajući dokaz da je otpad inertizovan odnosno bezopasan.

Kao dokaz o izvršenoj inertizaciji medicinskog otpada potrebno je priložiti izjavu (potvrdu) potpisanu i ovjerenu od strane ovlaštenog referenta za upravljanje medicinskim otpadom ustanove koja je izvršila inertizaciju ili odgovarajuću indikatorsku traku sa uređaja na kojem je izvršena inertizacija.

IV

Izjava (potvrda) o izvršenoj inertizaciji medicinskog otpada mora sadržavati podatke o nazivu ustanove koja je izvršila inertizaciju, datum izvršene inertizacije, vrsti i količini inertizovanog otpada, načinu na koji je upakovan, potpis referenta za upravljanje medicinskim otpadom ustanove, koja ga je imenovala u skladu sa članom 6. Pravilnika o upravljanju medicinskim otpadom.

Sadržaj Izjave ili indikatorske trake mora odgovarati stvarnom stanju koje se utvrđuje nakon istresanja medicinskog otpada iz vozila.

V

Bezopasni medicinski otpad koji se dovozi na Regionalnu deponiju mora biti odvojen od ostalog komunalnog otpada u vozilu kojim je dovezen. Ovaj medicinski otpad mora biti upakovan u PVC vreće, kutije ili neku drugu ambalažu, koja pruža odgovarajuću zaštitu za osobe koje stupaju u kontakt prilikom rukovanja navedenom ambalažom, te na kojoj jasno mora biti označena vrsta otpada.

Nije dozvoljeno dovoziti medicinski otpad pomiješano sa ostalim otpadom.

VI

Pored ostalih podataka koji se evidentiraju u softveru vage, na vagarskom listu, te nadzornom listu istovara, operater na kolskoj vagi će evidentirati da je dovezen medicinski otpad i da je isti inertizovan, te će navesti odakle je otpad dovezen.

Izjava (potvrda) ili indikatorska traka će se arhivirati uz Dnevnik deponije u arhivi "RDM"-a.

VII

U slučaju da vozač ne želi potpisati nadzorni list istovara, operater na kolskoj vagi će to evidentirati sa podacima koji su mu o vozaču poznati (ime i prezime, broj registracije vozila i sl), te pozvati službu zaštite da obezbjedi da kamion neistresen napusti krug Deponije.

VIII

Nakon evidentiranja podataka iz člana VI, te izvršene prve odvage vozila, operater na kolskoj vagi će odmah (putem telefona) obavijestiti vođu smjene na deponiji ili drugog zaposlenika koji vrši prijem otpada na odlagališnoj kaseti, da je dovezen inertizirani medicinski otpad sa priloženim dokazom o izvršenoj inertizaciji.

IX

Zaposlenik koji izvrši prijem otpada će obezbjediti da se medicinski otpad istrese iz kamiona na za to određeno mjesto u okviru radnog polja odlagališne kasete, te će izvršiti vizuelni pregled dovezenog otpada. Kod istovara vozila kojim je dovezen medicinski otpad, zaposlenik na prijemu otpada će voditi računa i upozoriti vozača da medicinski otpad dovezen u skladu sa članom V., pri istovaru iz vozila se ne pomiješa i ne zatrapa sa ostalim komunalnim otpadom.

X

Prilikom konačnog zbrinjavanja, medicinski otpad se neće dalje rasprostirati po kaseti, nego će se zatrpati na mjestu koje odredi vođa smjene.

Vođa smjene će u Dnevniku deponije evidentirati da je odložen medicinski otpad sa tačno preciziranim mjestom njegovog odlaganja (navesti broj kasete, sloj i radno polje kasete).

Zaposlenicima Društva zabranjuje se svako prebiranje (kopanje i sl.) po medicinskom otpadu.

XI

Ukoliko vozač doveze medicinski otpad koji nije inertiziran ili ne spada u grupu bezopasnog otpada, pomiješano sa ostalim komunalnim otpadom ili se nakon istresanja otpada utvrdi da istreseni medicinski otpad ne odgovara podacima navedenim u izjavi (potvrdi) odnosno indikatorskoj traci, zaposlenik koji je izvršio kontrolu će to evidentirati na nadzornom listu istovara i odmah prijaviti operateru na kolskoj vagi, službi zaštite i neposrednom rukovodiocu.

XII

U slučaju iz prethodnog člana, medicinski otpad se mora vratiti operateru koji ga je i dovezao.

Služba zaštite će obezbjediti da se vozilo koje je dovezlo neprijavljeni medicinski otpad zadrži u krugu Deponije.

Poslovođa deponije ili vođa smjene će odmah izvijestiti operatera o zadržavanju njegovog vozila u krugu Deponije, te o potrebi da se nepropisno dovezen medicinski otpad vrati vlasniku otpada.

Operater je dužan obezbjediti utovar spornog medicinskog otpada u svoje vozilo.

XIII

Ovo Uputstvo stupa na snagu danom donošenja.

Broj: 02-16/11.

Datum, 24.01.2011.godine

Direktor Društva

Zukić Emir, dipl.ing.maš.